



Gazeta 1929-yil 1-avgustdan chiqqan boshlagan

O'zbekiston Respublikasi bolalar va o'smirlar gazetasi

ISSN - 2010-6092

MATBUOT ANJUMANIDA OAV VA NASHRIYOTLAR FAOLIYATI

Yaqinda poytaxtimizdagi Milliy matbuot markazida «Ommaviy axborot vositalari, nashriyot va matbaa faoliyatini qo'llab-quvvatlash va rivojlantirish jarayonlari» mavzida matbuot anjumani bo'lib o'tdi. O'zbekiston matbuot va axborot agentligi, O'zbekiston jurnalistlari ijodiy uyushmasi hamda O'zbekiston mustaqil bosma ommaviy axborot vositalari va axborot agentliklarini qo'llab-quvvatlash va rivojlantirish jamoat fondi bilan hamkorlikda o'tkazilgan tadbirida o'tgan 2013-yilda sohada amalga oshirilgan ishlar muhokama qilindi.

2014-yilda jurnalistlar va matbuot xizmatlari xodimlari faoliyatini rag'batlantirish, ular malakasini oshirish yuzasidan O'zbekiston matbuot va axborot agentligi ishlab chiqqan chora-tadbirlar rejasi O'zbekiston Respublikasi Vazirlar Mahkamasi tomonidan tasdiqlangani, unga ko'ra hamkor tashkilotlar bilan birgalikda yuzdan ziyod seminarlar, o'quv-treninglar, o'ta ko'rik-tanlov o'tkazish rejalashtirilgani aytib o'tildi.

Ayniqsa, shu yilning 22-23-may kunlari «Adabiyotga e'tibor - kelajakka, ma'naviyatga e'tibor» shiori ostida Respublika «Kitob bayrami»ning o'tkazilishi quvonarlidir. Chunki bu tadbir kattalar qatori o'quvchilarning ham haqiqiy bayramiga aylanib borayotganini o'tgan yillar misolida ko'rish mumkin.

Anjuman so'ngida soha xodimlari o'zlarini qiziqtirgan barcha savollarga javob oldilar.

Ushbu sonida:

MEHR
QOZONGAN
USTOZ

ADIRDAGI
GAVHAR

BAHOR
TOPISHMOQLARI

2-bet

6-bet

8-bet

MEHR QOZONGAN USTOZ

Chet tillarini mukamalat bilish gosh avlodni har tomonlama bilimdon va zukko bo'lib ulg'ayishida muhim o'rin tutadi. Shu bois, mamlakatimizda o'g'il-qizlarimizning fuxta bilim olishlari, chet tillarini chuqur o'rganishlari uchun barcha sharoit yaratib berilmoqda. Ayniqsa, Prezidentimizning «Chet tillarini o'rganish tizimini yanada takomillashtirish chora-tadbirlari to'g'risida»gi Qarori ingliz tili fani o'qituvchilari zimmasiga katta mas'uliyat yukladi.

Gulsara Jumayeva, mana 27 yildirki, Surxondaryo viloyati, Qumqo'rg'on tumanidagi 2-umumta'lim maktabida yosh avlodga ingliz tili fanidan saboq berib kelmoqda. Ustoz har bir darsini qiziqarli va interaktiv usullar asosida o'tishga alohida e'tibor qaratadi. Muallimaning «Zamonaviy dars mening tasavvurimda», «Til bilgan – el biladi»



mavzularidagi ishlanmalari viloyat bo'yicha o'qituvchilarning dars berish jarayonlarida metodik qo'llanma sifatida foydalanish uchun tavsiya etilgan.

«Yilning eng yaxshi fani o'qituvchisi – 2008» ko'rik-tanlovining Respublika bosqichi g'olibi Gulsara opa 2009-yil «Masofaviy o'qitish» dasturi bo'yicha Germaniya davlatida o'z malakasini oshirib qaytgan.

Ustozning mehnatlari samarasi, uning shogirdlari erishayotgan yutuqlarida yaqqol namoyon bo'ladi. Gulsara opaning o'quvchilari ham har yili tuman, viloyat va respublika fan olimpiadalarida muvaffaqiyatli qatnashib kelmoqda.

Muallimaning yosh avlod kamoloti yo'lidagi mehnatlari besamar ketmadi.

U 2013-yilda Prezidentimiz farmoniga binoan «Fido-korona xizmatlari uchun» ordeni bilan taqdirlandi.

Tashabbuskorligi va chuqur bilimi bilan maktab o'qituvchilari, o'quvchilari orasida katta hurmat qozongan muallimaning kelgusi faoliyatiga zafarlar tilaymiz.

Mahmudjon AZIMOV



Har ish kunimni onamning suratlariga qarashdan boshlayman.
Munisginam: «Bolam, sen bilan faxrlanaman», deya tabassum qilayotgandek, go'yo.

ONAM YONIDA BO'LSAM...

Xizmat safari bilan turli viloyatlarga borsam, qanday bo'lmasin, iloj topib tug'ilib o'sgan voham Qashqadaryoga kirib o'taman. Qadrdon Kitob tumaniga yaqinlashar ekanman, so-g'inch va hayajondan yuragim entikadi...

Meni ko'rishi bilan onamning nurli yuzlari quvonchdan yosharib ketgandek bo'ladi. Mehribonimning mehriга to'ymayman, yonimda bo'lsalar ham sog'inaveraman.

Onajonim Habiba aya Boymatova tumanimizdagi 40-maktab kutubxonasida ishlaydilar. «G'uncha», «Gulxan» jurnallari, «Tong yulduzi» gazetasida chizgan rasmlarimni ko'rib, samimiy fikrlarini bildiradilar. Volidamning duosi, nurli chehrasi har doim menga kuch, madad, ilhom beradi.

Onamning beshik oldida nevaralariga aytayotgan allasini eshitib, to'lg'inlanib ketaman. Sababi, bu allaning har bir satri, so'zi, ohangi men uchun tanish va qadrli.

Azim poytaxt shahridan mo'jazzina qishlog'imning mehri, munis onamning ohanrabodek allasi meni o'zi tomon chorlayveradi.

Onajon! Borligingiz mening eng katta baxtimdir. Sizni judayam yaxshi ko'raman.

Sarvar FARMONOV,
«G'uncha» jurnalining badiiy muharriri



ADIB BILAN UCHRASHUV

Yaqinda poytaxtimizning Shayxontohur tumanidagi 132-umumta'lim maktabida O'zbekiston xalq yozuvchisi Tohir Malik bilan «Amir Temur tuzuklarida ilm-fan va axloq», «Yigit ma'naviyati – oila g'ururi» mavzularida uchrashuv bo'lib o'tdi.

Tadbirda sevimli adibimiz Sohibqiron Amir Temurning chuqur bilim va yuksak jangovar salohiyatga ega bo'lganini ta'kidlab, buyuk sarkarda hayotidan bir qancha rivoyatlar, ibratli hikoyatlar so'zlab berdi.

Shuningdek, adib yigit ma'naviyati haqida so'z yuritib, ular oila ustuni, ona Vatan himoyachisi ekanini ta'kidladi. So'ngra, o'quvchilarga maktabni tamomlab, katta hayot ostonasida noto'g'ri yo'lga



kirib qolgan, yoshlik davrini boy bergan yigit haqidagi «Alvido, bolalik» asarini o'qib chiqishlarini tavsiya qildi.

Davra suhbatlari Tohir Malik ijodi haqidagi savol-javoblarga ulanib ketdi. Uchrashuv yakunida o'quvchilar samimiy suhbat uchun sevimli yozuvchimizga, hamda ushbu tadbirga bosh bo'lgan barcha ustozlarga minnatdorlik bildirdilar.

Muzaffar AHMEDOV

ORZUSI USHALDI

Sizga bugun bir voqeani so'zlab berayki, gazeta-jurnallarga yanada mehringiz oshsin. Nima gap, qanday voqea, deya qiziqib qolganlarga esa quyidagi maqolamizni diqqat bilan o'qib chiqishni tavsiya etamiz.



Har doimgidek tahririyatimizda ish qizg'in. Shu pallada xonamizga yoqimtoygina bir bolakay onasi bilan kirib keldi. Qo'lidagi gazetamizni ko'rsatib, «Mening suratim «Tong yulduzi»da chiqmadi, men juda-juda kutgandim», deya biroz xo'rsinib ko'ydi. Biz esa ko'pining sonli o'quvchilarimiz orasida ana shunday gazeta-yu kitoblarga mehri baland o'quvchimiz borligidan quvonib, uni bag'rimizga bosgudek bo'ldik. O'zini Azizbek To'liqjonov deya tanishtirgan bu o'quvchimiz Respublika bolalar kutubxonasining faol a'zosi ekan. U bilan yaqindan tanishib olgach, gap nimada ekanini olib oldik. Azizbekning oyisi Nilufar opa Ilyosovaning aytishlaricha, bir kuni o'g'li kutubxonadan qaytgach,

«Oyijon, bizni «Tong yulduzi»ga suratga olishdi, endi rasmim gazetada chiqadi», deya rosa xursand bo'libdi. Ammo bu yog'i gazeta-chilik, bilasiz, suratlar sifatiga qarab tanlangani bois, muxlisimizning rasmi gazetada bosilmay qolibdi. Biroq, har narsaning yaxshi tomoni bor deganlariday, shu bahona sabab, muxlisimiz bilan yaqindan tanishib oldik. U poytaxtimizning Mirzo Ulug'bek tumanidagi 64-maktabning 5-«A» sinfida tahsil olar ekan. Maktabda a'lo baholarga o'qiyotgan Azizbek turli bayram kechalari va tadbirlarning faol ishtirokchisi ekan.

— Ona tili va adabiyot fanidan saboq beruvchi Shoir opa Raupova, maktab rahbari Muborak

opa Yusupova va ma'naviy ishlarga bosh-qosh Aziza opa Mirsaidovani barchamiz hurmat qilamiz, — deydi Azizbek. — Ayniqsa, qo'limga ilk bor «Tong yulduzi»ni tutqazib, muto-laaga chorlagan maktab kutubxona-chisi Gulsara opa Shermuham-medovadan juda minnatdorman. Bo'sh vaqtlarimda she'rilar mashq qilish, sportning voleybol turi bilan shug'ullanishni yoqtiraman.

Kelajakda buvasi Karimjon aka Ilyosov kabi ichki ishlar xodimi bo'lib yetishishni orzulayotgan Azizbekka yuksak parvozlar tilaymiz.

Sayyora QODIROVA

SHOIR MUZEYIDA MEHMON BO'LDIK

Aziz tengdoshlar! Sevimli adibimiz, O'zbekiston xalq shoiri Muhammad Yusufning Andijon viloyati, Marhamat tumanida tug'ilganini barchamiz yaxshi bilamiz.

Yaqinda maktabimizning yuqori sinf o'quvchilari ona tili va adabiyot fani o'qituvchilari N. Jaylobova va I. Kenjayeva boshchiligidagi shoir uy-muzeyini ko'rishga bordik. Muhammad Yusuf tug'ilib o'sgan Qovunchi qishlog'iga kirib borar ekanmiz, qalbimiz faxrga to'ldi. Fayzli xonadondagi mo'jazzina uy-muzeyi bilan tanishgach, shoir ta'lim olgan maktabga yo'l oldik. Buni qarangki, maktabga Muhammad Yusuf nomi berilgan bo'lib, ta'lim dargohida ham muzey tashkil etilgan ekan. U yerda biz shoir hayoti va ijodiga oid ko'plab qiziq ma'lumotlarga ega bo'ldik. Safarimiz yakunlanib, uyga qaytarkamiz, shunday maroqli sayohatni tashkillashtirgan ustozlarimizga minnatdorlik bildirdik.

Nigora SOTVOLDIYEVA,
Farg'ona viloyati, Beshariq tumanidagi 30-maktabning 7-«A» sinf o'quvchisi

«TABLAT - ONAMIZ, UNI DOIM SEVAMIZ»



Bu so'zlar poytaxtimizdagi 248-umumta'lim maktabining 3-sinf o'quvchilari shoriga aylangan. Bugun ular ustozi Lola Haydarova boshchiligidagi tabiatshunoslik fanidan ochiq darsga puxta tayyorlanib kelishgan.

Bolajonlar, erta bahorda qir-adirlarda chuchmoma-yu boychechaklarning ochilishidan tortib, yalpiz-u jag'jag'larning inson organizmi uchun foydaliligi haqida gapirib berishdi. Navbat daraxtlar mavzusiga ko'chdi. O'quvchilar zavq bilan daraxtlarning turlari, ulardan sanoatda nimalar

olinishi haqida qiziq-qiziq ma'lumotlarni so'zlab berishdi.

O'qituvchi bugungi darsning yangi mavzusi madaniy o'simliklar ekanligini aytib, ularning turlari haqida savol berdi. Bolalar birma-bir qo'l ko'tarib, savollarga to'liq va aniq javob bera boshlashdi.

So'ngra, doskaga ikki o'quvchi chiqib, klassster usulida bu o'simliklardan nimalar olinishini ko'rsatib

berishdi. Lola Haydarova esa o'quvchilarning darslarni yaxshi o'zlashtirishlari uchun o'qitishning yangi metodlaridan foydalanib, bolalarni zeriktirib qo'y-maslikka harakat qildi va eng faol ishtirok etgan o'quvchilarni rag'batlantirdi.

Bolajonlar, sizning maktabingizda ham ochiq darslar tez-tez o'tkazilib turiladimi? Bu haqda bizga, albatta, yozib yuboring.

O'z muxbirimiz

Qushlar tabiatning ajralmas bir bo'lagi bo'lib, ular tevarak-atrofni, tabiat orastaligini ta'minlaydigan jonzotlar sirasiga kiradi.



zusida kecha bo'lib o'tdi. Tadbir-da bir guruh to'garak a'zolari tog' yonbag'riga uyushtirilgan sayohat taassurotlarini to'liqlanib so'zlab berishdi. Ayniqsa, o'quvchilarning qirg'ovul, yovvoyi o'rdak, qorabovur (baqlon), loyx'o'rak, shuningdek, «Qizil kitobga kiritilgan ayrim qushlar haqidagi bir-biridan qiziq ma'lumotlari

QUSHLAR - BIZNING DO'STIMIZ

yig'ilganlarda katta taassurot qoldirdi.

Tadbir so'ngida ota-onalar va o'quvchilar biologiya fani xonasi-dagi mavzuga oid stend, buklet hamda rangli rasmlar bilan yaqindan tanishdilar.

Feruza ABDULLAYEVA,
Jizzax viloyati

«SO'ZDA, NAVOIY, NE DESANG, CHIN DEGIL...»

Aziz o'quvchilar! Albatta, siz bobo va buvilaringiz, ota-onangizdan rost so'zning qadr-qimmatini, yolg'onning zarari haqida ertaklar eshitgansiz. Chin so'zlik insonni baxt-saodatga, yolg'on esa jaholatga olib borishini yaxshi bilasiz. Bu haqda «Odobnoma» va «Adabiyot» darsliklaringizda ham talaygina ibratli hikoyat-rivoyatlar keltirilgan.

Alisher Navoiy bobomizning «Hayrat ul-abror» dostonlarida ham ota-onaga hurmat, imon, adolat, saxiylilik, to'g'rilik, omonatga xiyonat qilmaslik, sabr-qanoat, vafo, shukur, ayniqsa, rostgo'ylikka da'vat yetakchilik qiladi. Mana shunday fazilatlarga ega bo'lgan odamning oila va atrofdagilar oldida obro'yi va hurmati oshishi ta'kidlanadi.

Dostondagi «Yolg'onni chin deb so'zlaydigan durroj (qirg'ovul)ning o'z yolg'onini tuzog'iga tushgani, uni yolg'onchiligi bilgan do'sti sher durrojniing dod-faryodiga parvo qilmagani va falokatdan qutqarmagani», deb nomlangan hikoyatda yetti yoshdan yetmish yoshgacha ibrat bo'larlik voqea bayon etiladi.

Bor edi bir beshada bir tund sher,
Vahshat aro ko'k asadidek dalir...

Ulkan bir changalzorda samodagi asad burjidek katta, badqovoq ona sher yashardi. Undan hamma qo'rqar, ko'zi tushgan jonot borki, uni uzoqroqdan aylanib o'tishga, o'tkir ko'zlaridan yiroqroq bo'lishga urinishardi. Qushlar esa sherning qadam tovushini eshitganlari zahoti «pirr» etib uchib ketishardi. Kunlardan bir kuni shu sher bolaladi. U changalzorning bir joyidan boshqa joyiga ko'chganda, o'zining jajigina, hali ko'zlari ham ochilmagan bolalarini og'zida tishlab yurardi. Chunki changalzorda zaharli ilonlar bo'lib, bolalariga ziyon yetkazishidan xavotirda edi...

Bor edi durroje o'sha beshada,
Sheri jayon vahmidin andeshada.

Sherki tishlab bolasin dam-badam,
Beshada har yon qo'yar erdi qadam.

Yetgach aning boshi uza nogahon,
«Fir» eta uchsa edi ul notavon.

Vahm ila seskanmak o'lub sher ishi,
O'lutar erdi bolasig'a tishi...

Xuddi shu changalzorda bir durroj ham istiqomat qilardi. U doim sherning qadam tovushidan vahimaga tushardi. Sher o'ziga yaqinlashdi deguncha, uning butun vujudini qaltiroq bosar, «pirr» etganicha ko'zdan g'oyib bo'lardi. Oyog'i ostidan uchib ketgan durroj shovqini-dan cho'chib ketgan sher, og'zidagi bolasiga tishini botirib olganini sezmay qolardi. Oqibatda, sher bolasi ozor chekardi.

Hikoyatning shu joyida siz uchun ibrat bo'ladigan birinchi xulosa bor. Hayotda ba'zi odamlar boshqalarning o'zidan qo'rqishini istashadi. Shu bilan maqtanishni yaxshi ko'radi. Mana shunday fikrlaydiganlar sher bilan bo'lib o'tgan ushbu voqeani bilib qo'ysalar yomon bo'lmasdi. Zotan, nihoyatda kuchli, dovyurak, barcha hayvonlarning shohi bo'lgan sher ham boshqalarning o'zidan qo'rqishi sabab foyda emas,



aksincha, zarar ko'rdi. Jonzotlarga haybati va zo'rvonligi bilan dahshat solgani bois, jonidan aziz bolasiga ozor yetkazdi.

Doim anga bu g'am aro g'am edi,
G'am neki, motam uza motam edi.

Ko'ngli bu ishdin bo'lub ozortliq,
Boshladi Durroj bila yorliq...

O'zidan qo'rqib-qaltiraydigan ojizgina bir qush tufayli paydo bo'lgan bu muammodan sherning yuragi g'amga botardi. Shunda uning xayoliga «Yaxshi so'z bilan ilon inidan chiqadi», degan hikmat keldi. Qanchalar kuchli,

obro'li va dovyurak bo'lmasin, bir ojiz durroj oldiga bosh egib borishni or bilmadi. Uning ko'ngliga yo'l topish lozim degan xulosaga keldi. Durrojga o'zi bilan do'st bo'lishni taklif etdi va ular abadiy do'st bo'lishga ahdlashdilar. Demak, odam qanchalik kuchli, dovyurak, obro'-e'tiborli bo'lmasin, do'stsiz yasholmas ekan.

Hikoyatdan olinadigan ikkinchi xulosa durrojniing yolg'onni ko'p gapirishi bilan bog'liq.

Sher eshitib aning ilhonini,
Fahm qilib savtida yolg'onini.

Der edi: «Yolg'on demakim, shum erur,
Kizb tuz el o'llida mazmum erur».

Pand eshitmas edi Durroji mast,
Kizbdin etmas edi afg'onni past...

Sher uning yolg'on so'zlashini bilib qoldi. Do'stlik ahd-paymoniga sadoqati bois durrojga to'g'ri yo'l ko'rsatib, shunday nasihat qildi: «Yolg'on so'zlama. Buning oqibati yomon bo'ladi...» Ammo hayvonlar shohi bilan do'st bo'lganidan mast durroj bunday nasihatga e'tibor bermas, yolg'on so'zlashini qo'ymas edi.

Durroj xuddi Navoiy bobomizning boshqa bir hikoyatlarida keladigan yolg'onchi cho'pondek, o'z yolg'onlari bilan ko'p bor sherning sadoqatini «sinab ko'rди». Yolg'ondan dod solib, do'stini yordamga chaqirardi. Zudlik bilan yordamga yetib kelgan do'sti esa uning ahmoqona yolg'onni ustidan chiqardi. Oqibatda, sher durrojga butkul ishonmay qo'ydi.

Kunlardan bir kuni durroj rosti bilan o'z yolg'onini tuzog'iga ilindi, bir ovchi uni tutib oldi. Ammo durroj shu darajada ko'p yolg'on so'zlagan ediki, bu safar sher uning rostdan dod solayotganiga ishonmadi. Shunday qilib, durroj dovyural... va obro'li do'stining ishonchiga xiyonat qildi. Yolg'onchiligi bois sodiq do'stidan, hatto hayotidan judo bo'ldi.

Hikoyat xulosasida, Navoiy bobomiz barcha-barchamizga, ayniqsa, katta hayotga endigina qadam tashlayotgan siz bolajonlarga shunday murojaat qiladi:

So'zda, Navoiy, ne desang, chin degil,
Rost navo nag'mag'a tahsin degil...

Ulug' bobomizning bu hikmatlarini hammamiz hayot yo'limizda dasturlamal qilsak, sira kam bo'lmaymiz.

Uzoq JO'RAQULOV,
filologiya fanlari nomzodi

BOLALARGA ATALGAN BAYRAM

Yaqinda «Eng namunali yosh oila – 2012» ko'rik-tanlovining Toshkent shahar bosqichida faxrli 1-o'rinni olgan Ermatovlar oilasi «Sog'lom bola yili» munosabati bilan «Sog'lom bolalar bayrami» deb nomlangan katta konsert dasturini muxlislar e'tiboriga havola etishdi.

Shayxontohur tumani hokimligi, O'zbekiston davlat konservatoriyasi bilan hamkorlikda o'tkazilgan tadbir uch qismdan iborat bo'ldi. Dastlab, «Nihol ilhomlari» deb nomlangan dasturda 2012-yil Fransiyada o'tkazilgan pianinochilar ko'rik-tanlovi g'olibi Qahramon G'ulomjonov hamda ukasi skripka bo'yicha bir necha Xalqaro ko'rik-tanlovlar g'olibi, Glier nomidagi Respublika ixtisoslashtirilgan musiqa akademik litseyining 5-sinf o'quvchisi Dostonbek G'ulomjonov O'zbekiston davlat konservatoriyasi simfonik orkestri jo'rligida jahon klassik kuylaridan ijro etishdi.

Shunisi e'tiborliki, dasturda yangragan qo'shiqlarning aksariyati Qahramon G'ulomjonovning ijod mahsuli hisoblanadi. U O'zbekiston davlat konser-



vatoriyasiga o'qishga imtiyozli qabul qilinib, hozirda «Bastakorlik» yo'nalishida tahsil olmoqda.

So'ngra, oilaning yana bir a'zosi Respublika rassomlik kolleji «Tarixiy liboslar» bo'limi 2-bosqich o'quvchisi Shahnozaxon G'ulomjonova «40 libos nafosati» deb nomlangan ilk shaxsiy rangtasvir ko'rgazmasini yig'ilganlarga namoyish etdi.

Konsertda «HAVAS» guruhining barcha oila a'zolari, jumladan, besh yoshli Robiyaxon G'ulomjonovaning aka-opalari bilan birga kuylagan «Sog'lom bolalar» qo'shig'i tomoshabinlarga chinakam bayram kayfiyatini ulashdi.

Zubayda MAMATQULOVA

Aziz o'quvchilar! Xabaringiz bor, an'anaviy «Mustaqillik madhi bolalar ijodida» tanlovi yil boshidan oq boshlab yuborilgan edi. Bugungi kunda tanlovga yuzlab ijodiy ishlar taqdim etildi. Tanlovda, ayniqsa, Surxondaryo, Sirdaryo, Xorazm, Buxoro, Navoiy viloyatlari hamda Toshkent shahri o'quvchilarining faolligini kuzatish mumkin. Bu esa biz — «Tong yulduzi» jamoasini ham nihoyatda quvonitiradi. Buning uchun ushbu viloyat o'quvchilariga, ustozlariga tashakkur deymiz.

Biroq, Samarqand, Namangan, Andijon, Qashqadaryo viloyati o'quvchilarining ushbu tanlovga biroz e'tibor ekanliklari kishini ranjitadi. Ammo tanlov hali davom etmoqda. Bundan keyin mazkur viloyatlar o'quvchilari ham o'z ijod namunalari bilan tanlovda faol ishtirok etishadi, albatta. Biz bunga ishonamiz.



VATAN MENING ONAJONIM

Vatan, sensan mening jonim,
Tomirimda oqqan qonim.
Sen tinch bo'lsang, men tinch yashayman,
Quvnoq o'tar har bir onim.
Madhingni unsiz o'yladim,
Seni sevib, so'ng so'yladim.
Bilim olib qaytgan onim,
Dedim: «Vatan onajonim!»

Charosxon OLIMOVA,
Sirdaryo viloyati, Boyovut tumanidagi
46-umumta'lim maktabining
7-sinf o'quvchisi



Navro'zbek
ATABAYEV,
Urganch
shahridagi
15-maktabning
5-sinf
o'quvchisi



AZIZ YURTIM

Seni jondan sevaman, Vatan,
Bog'laringda kuylayman, Vatan.
Qismatingni o'ylayman, Vatan,
Aziz yurtim, O'zbekistonim!

Odamlarning mudom mehnatda,
Mehnat qilgan, yashar rohatda.
Sen o'xshaysan tengsiz jannatga,
Aziz yurtim, O'zbekistonim!

Qayga borsam, sog'inib qaytdim,
Faqat senga dardimni aytdim.
O'zing mening suyuqli yurtim,
Aziz yurtim, O'zbekistonim!

Zavqiddin XO'SHBOQOV,
Surxondaryo viloyati, Sherobod
tumanidagi 5-umumta'lim maktabining
9-sinf o'quvchisi

ANTONYMS

Bugungi mavzuimiz antonimlar,
ya'ni qarama-qarshi so'zlar. Keling,
ular bilan tanishib chiqamiz:

tall – short	fat – thin	dark – light	good – bad
long – short	fast – slow	new – old	hot – cold
big – small	wide – narrow	young – old	easy – difficult

Find the antonyms in this table:

t	f	t	c	n	o	g
n	a	a	m	o	a	o
l	t	l	s	a	l	o
n	s	l	l	b	a	d
t	e	d	o	b	w	n
m	n	w	w	l	d	e



O'ZDJU talabasi
Dinara SHAKIROVA
tayyorladi

Fruits – Mevalar

Gul yaproqlaridagi
kataklarga raqamlar
bo'yicha quyidagi
mevalarning inglizcha
nomini yozing.

1. Nok. 2. Shaftoli.
3. Apelsin. 4. Xurmo.
5. Ananas. 6. Behi.
7. Qulupnay.
8. Malina.
9. Mandarin.
10. Anjir. 11. Anor.

Tuzuvchi: Diyora
SUNNATOVA,
Jizzax shahridagi
4-maktabning
6-«B» sinf o'quvchisi



Iqtidorli tengdoshing

Tahririyatda barcha xodimlar gazetaning yangi sonini nashrga tayyorlash bilan band. Shu payt xona eshigi oldida otibola ko'rindi. Salom-alikdan so'ng, ma'lum bo'lishicha, Abdulalom aka Ergashev qizi, 6-sinf o'quvchisi Shohsanam bilan birga Surxondaryo-dan uzoq yo'l bosib keli-shibdi.



fanlarni a'lo baholarga o'zlashtirish bilan birga, jamoat ishlarida ham faol qatnashar ekan. Shohsanam Ergasheva yaqinda geografiya fanidan o'tkazilgan «Bilimlar bellashuvi»ning tuman bosqichida muvaffaqiyatli ishtirok etibdi. U darsdan bo'sh vaqtlarida she'rilar yozishni, kitob o'qishni, o'qigan ertaklari asosida rasm chizishni yoqtirar ekan. – Bugun yurtimizda biz yoshlarning chet tillarni mukammal o'rganishimiz uchun barcha sharoitlar yaratilgan, – deydi

SURXONDARYOLIK

YOSH TARJIMON

Viloyatning Oltinsoy tumanidagi 2-davlat ixtisoslashtirilgan maktabning 6-sinfida o'qiyotgan mehmon qizimiz

Shohsanam. – Ayni paytda men ham ingliz va rus tillarini puxta o'rganishga, rus tilidagi kichik hajmli ertak, hikoyalarni o'zbek tiliga o'girishga harakat qilmoqdaman. Bugun tahririyatga yozgan mashqlarimdan namunalarni, o'zbek xalq maqollaridan ayrimlarini rus va ingliz tillarida tayyorlab keldim.

Quyida e'tiboringizga Shohsanam Ergashevaning o'qigan ertaklari asosida chizgan rasmini havola etamiz.

Dilorom HOTAMOVA



SEN TANHOSAN

Vatan qayer deb, izlasam javob,
Bobolar merosi aylaydi xitob.
O'rgan o'z Vatanning qadamjolarin,
O'qi, topadirsan ma'no behisob.

Navoiy saxovat o'rgatdi menga,
Tuzuklar adolat o'rgatdi menga.
Bobur yurt sog'inchin anglatsa agar,
Qodiriy matonat o'rgatdi menga.

Tarixdan o'qidim, qalbdan uqdim goh,
Ovro'pa lol qolgan Sharqdan uqdim goh.
Ustozlarim bergan tahsil o'larog,
VATAN neligiga bo'lganman guvoh.



Vatan boshlanadi odam qalbidan,
Menga oq sut bergan onam bag'ridan.
Meni allalagan o'sha beshig-u,
Yiqilsam turg'azgan otam qo'lidan.

Sho'x-shodon bolalik o'tgan qishlog'-u,
Meni ulg'aytirgan poytaxt shahrimdan.
Gullab-yashnayotgan ko'hna maskan-u –
Qo'llari ko'ksida sodda xalqimdan.

Buni tushundim-u, unsiz angladim,
O'zimni Vatanga posbon ayladim.
Ko'kda porlayotgan nurli Oy kabi,
VATAN, sen tanhosan, deya o'yladim.

Dilshodbek QUDRATOV,
Toshkent shahar, Hamza tumanidagi
244-maktabning 9-«A» sinf o'quvchisi

ISHONCHINGNI OQLAYMIZ

Senga bo'lsin jonim fido,
O'zbekiston Vatanim.
Men mustaqil yurt qiziman,
Sen nomusim, ham sha'nim.

Qo'lda qalam, dilda quvonch,
Bizga berding erk, hayot.
Qayga borsak, e'zozdamiz,
Dildan yangrar zo'r bayot.



Ishonchingni oqlab biz,
Dildan xizmat qilamiz.
Mustaqil yurt, Vatanda,
O'ynab, shodon kulamiz.

Nasiba ESHJONOVA,
Xorazm viloyati, Urganch
shahridagi 24-ixtisoslashtirilgan
maktab o'quvchisi

KAYOLIMNI YANGI KUN OLDI

Maysalarni uyg'otdi bahor,
O'rik tongda gullab yubordi.
Qushlar sayrab chiqdilar bedor,
Xayolimni yangi kun oldi.

Dehqon ketdi dalasi tomon,
Anhorlar ham kuylashga tushdi.
Bolalar-chi, qiyqirar shodon,
Samolarda varraklar uchdi.

Bunday go'zal aziz damlarning,
Qiyosiga topolmaymiz so'z.
Har lahzada uyg'onar borliq,
Yurtimizga kelmoqda Navro'z.

Tamanno BOBOQULOVA,
Surxondaryo viloyati, Sariosiyo
tumanidagi 68-umumta'lim
maktabining 6-sinf o'quvchisi

ADIRDAGI GAVHAR

(Hikoya)

Eldor singlisining xonasiga kirganida, Aziza shoshganicha qo'ldagi to'qiyotgan narsasini ko'r-pacha ostiga yashirdi.

– Nima to'qiyapsan, buvim-gami?

– Buvim bilan oyimga, lekin nimaligini aytmayman. O'zingiz nima sovg'a qilasiz?

– Men ham aytmayman, – dedi Eldor kulib.

– Baribir eng zo'r sovg'a meniki bo'ladi, – dedi Aziza ko'zlari chaqnaib.

Eldorning buvisi boychechakni yaxshi ko'radi. Shunga kecha otasidan ruxsat oldi. Saharlab sinfdosh o'rtog'i Olim bilan qishloq etagidagi adirlikka chiqib kelishadi. Otasining aytishicha, u yerdagi buloqlar atrofida bahorning ilk kunlaridanoq boychechak chiqarkan.

Bayram kuni ertalabdan Eldor o'rtog'i Olim bilan yo'lga tushdi. Ular bir zumda adir etagiga yetib borishdi. Ammo tepalikka chiqish yo'li hali loy bo'lgani uchun, bolalar anchagina ter to'kdilar. Hatto Olim bir-ikki bor orqaga qaytmoqchi ham bo'ldi, ammo

Eldor ko'nmadi. O'zi bilan olgan kichkina guldorchani bag'riga bosganicha yuqorilayverdi. Nihoyat, ular bir buloq atrofida quyosh nurida tovlanib turgan ikki dona boychechakni ko'rib, sevinganidan baqirib yuborishdi:

– Ana boychechak!

Eldor buloq bo'yidagi boychechaklarni ohista uzib, guldonga soldi. Adirdan tushgach, u o'rtog'i bilan xayrlashib, uylari tomon ildam yurib ketdi.

Katta ko'chadan burilganida, qarshisidan kelayotgan buvisining o'rtog'i Rohat xolaga ko'zi tushdi. Xola Eldorni ko'rib, quvonib ketdi.

– Voy bolam-ey, seni uchratganim yaxshi bo'ldi.

Akang yaqinda ishga ketuvdi. Aksiga olib, katta ariqda suv ko'paygan shekilli, hovlimga bir tegirmon suv oqyapti. Dahanani berkitmasak, uyimizni suv bosdi, – dedi Rohat xola halloslaganicha.

– Mayli, siz manavi boychechakni olib, uyingizga boravering. Men o'zim suvni berkitib kelaman, – deya Eldor ariq tomon shoshib ketdi.

U katta ariq bo'yiga borib, Rohat xolaning hovlisiga oqayotgan suvning yo'lini bir amallab to'sdi. Ishni tugatib, Rohat xolanikiga kirib, ketmonni topshirdi.

– Bo'ldi, xola. Endi boychechagimni bersangiz, uyga

borsam, – dedi sovuqdan diydiganicha.

– Bir piyola choy ich, bolam, sovuq qotib ketibsan. Hozir asalli choy qilib beraman.

– Yo'q, yo'q, rahmat. Uyga tez bormasam bo'lmaydi.

Uyga kirib ketgan xola ancha hayalladi. Bir payt yelkasini qisganicha chiqib keldi.

– Voy bolam-ey, qarilik qursin, omonatingni qayerga qo'yganim yodimdan ko'tarildi.

Eldor hayron bo'ldi. Bu orada xola qayta-qayta uyga kirib chiqdi. Qani endi buvisiga deb qirdan terib kelgan boychechak topilsa.

U bir ahvolda uylariga kirib bordi. Otasi, buvisi nimadir dedi, ammo gap eshitadigan holatda emasdi. Bazo'r kiyimlarini almashtirib, o'rniga yotdi. Buvisi, otasi, onasi, hatto Aziza ham bir necha bor kirib Eldorning holidan xabar olishdi. Ammo u o'rnidan turmadi. Qattiq toliqqani bois, bir zumda uyquga ketdi.

O'rnidan tursa, ayvonda oila a'zolari uni kutib o'tirishgan ekan. Eldor yaqinlari oldiga kirishi bilan tokchada turgan bir savat gullarning yonida o'zining guldondagi boychechaklar ham borligini ko'rib, sevinib ketdi...

Yusuf ABDULLAYEV

NAFOSAT



Keyingi yillarda badiiy gimnastika sport turi qizlarimiz orasida tobora ommalashib bormoqda. Quvonarlisi, bugun yurtimizning chekka-chekka hududlarida bunyod etilayotgan zamonaviy sport inshootlarida ham badiiy gimnastika seksiyalari tashkil etilib, qishloq qizlarining sport bilan muntazam shug'ullanishi ta'minlanmoqda.

Kuni kecha Samarqand shahrida yetti yoshdan o'n to'rt yoshgacha bo'lgan qizlar o'rtasida badiiy gimnastika bo'yicha sport musobaqalarining viloyat bosqichi bo'lib o'tdi. Viloyat prokuraturasi, voyaga yetmaganlar ishlari bo'yicha komissiya, Xalq ta'limi

boshqarmasi va Bolalar sportini rivojlantirish jamg'armasi viloyat filiali hamkorligida tashkil etilgan turnirda tuman va shahar bosqichlarida g'oliblikni qo'lga kiritgan 100 nafarga yaqin yosh nafosat malikalari ishtirok etdi.

MALIKALARI

Shu o'rinda aytib o'tish kerak, so'nggi yillarda Samarqand viloyatida ko'plab zamonaviy sport inshootlari bunyod etilib, yoshlar ixtiyoriga topshirilmogda. Ayni paytga kelib, Bolalar sportini rivojlantirish jamg'armasi mablag'lari hisobidan yuzdan ziyod sport zali, 25 sport majmuasi qurilib, foydalanishga topshirildi. Natijada, hozirga kelib viloyat xalq ta'limi muassasalari o'quvchilarining 266 mingdan ziyodi sport bilan muntazam shug'ullanmogda. Viloyatdagi badiiy gimnastika to'garaklarida esa 5 ming nafardan ortiq qizlar mashg'ulotlarda ishtirok etayotgani quvonarlidir.

Bir kuni oynayi jahon orqali badiiy gimnastika bo'yicha o'tkazilgan sport musobaqalarini kuzata turib, menda ushbu sport turi bilan jiddiy shug'ullanish istagi paydo bo'ldi. Uyimdagilarga bu haqda aytganimda, rosa xursand bo'lishdi va oyim meni badiiy gimnastika to'garagiga yetaklab bordilar. Hozirda malakali murabbiylar qo'l ostida ushbu sport sir-asrirlarini qunt bilan o'rganib kelmoqdaman. Kelajakda Ulyana

Trofimova, Jamila Rahmatova, Ravilya Faxruddinova kabi mohir sportchi bo'lishni orzu qilaman, — deydi Samarqand shahridagi

BELLASHUVI



43-umumta'lim maktabi o'quvchisi, musobaqa g'olibasi Taxmina Ikromova.

Bellashuvlar yakunida g'olib va sovrindorlar tashkilotchilar tomonidan esdalik sovg'alari bilan taqdirlandi. Shuningdek, badiiy gimnastika bo'yicha respublika va xalqaro miqyosda o'tkazilgan musobaqalarda yuqori natijalarni qo'lga kiritgan bir guruh samarqandlik badiiy gimnastikachi qizlarga ham 8-mart — Xalqaro xotin-qizlar kuni munosabati bilan bayram sovg'alari topshirildi.

Sa'dullo TURSINOV

INTILGANGA IMKON BISYOR



*Yasmina Karimjonova
poylaxtimizning Mirzo Ulug'bek
tumanidagi 71-maktabning
5-sinfida a'lo baholarga o'qish bilan
birga, darsdan bo'sh vaqlarida tennis
bilan muntazam shug'ullanib keladi.*



tennischilarga g'amxo'rligini juda hurmat qilaman. Musobaqalarda erishayotgan yutuqlarimda u kishining xizmatlari katta.

— Yasminaning kelajagi porloq, — deydi murabbiy Ravshan Sultonov. — Hozir qo'l ostimda o'n olti nafar o'g'il-qiz mashg'ulotlarda qatnashayotgan bo'lsa, u o'zining tennisga bo'lgan kuchli ishtiyoqi, tartib-intizomi bilan alohida ajralib turadi. Ko'rsatmalarimni erinmasdan, bexato bajarishga harakat qiladi. Yaqinda u Qozog'istonda o'tkazilgan xalqaro turnirdan oltin medal bilan qaytdi.

— Qizim kelajakda Iroda To'laganova, Oqqul Omonmurodova singari taniqli tennischilarni bo'lishni

orzu qiladi, — deydi uning onasi Malika Muhammedjonova.

— Poytaxtimizda o'tkaziladigan xalqaro turnirlarni Yasmina bilan birgalikda bevosita kortlarning o'zida kuzatishga harakat qilamiz. Har bir uchrashuv qizimning bu sport turiga bo'lgan mehrining ortishiga ijobiy ta'sir qilayotganidan xursandman.

Darhaqiqat, bugun yurtimizda Yasmina Karimjonova singari umidli va iste'dodli o'g'il-qizlar talaygina. Mamlakatimizda bolalar sportini rivojlantirish va ommaviyligini oshirish yo'lida amalga oshirilayotgan g'amxo'rliklar esa yangi-yangi iste'dod egalarining kashf etilishiga zamin yaratmoqda.

M. MADRAHIMOVA

Kuni kecha Navoiy viloyat xalq ta'limi muassasalarining 25 yoshdan oshgan o'qituvchi va xodimlari o'rtasida 8-mart — Xalqaro xotin-qizlar kuniga atab «Gimnastika barcha uchun» shiori ostida musobaqa o'tkazildi.

QUVONCH BAG'ISHLAGAN BAHS

Viloyat xotin-qizlar qo'mitasi, Xalq ta'limi boshqarmasi va Gimnastika federatsiyasi hamkorligida o'tkazilgan musobaqada 31 ta jamoa ishtirok etdi.

Ushbu musobaqaning o'tkazilishidan maqsad, yosh avlod kamoloti yo'lida sidqidildan mehnat qilayotgan mehrdaryo ustozlarni bayram bilan tabriklash, ularni sportga keng jalb etishdan iborat.

Bellashuvlar yakuniga ko'ra, umumta'lim maktablari o'rtasida Karmana tumanidagi 25-maktab internat jamoasi g'olib chiqdi. Maktabdan tashqari ta'lim muassasalari o'rtasida Xatirchi tumanidagi 3-hamda 10-bolalar va o'smirlar sport maktablari terma jamoalari peshqadamlik qilishdi. Maktabgacha ta'lim muassasalari orasida Navoiy shahridagi Mehrinonlik uyi Tarbiyachilari g'oliblikni qo'lga kiritdi.

O'z muxbirimiz



KITOB JAVONINGIZGA

Aziz o'quvchilar! Siz sayohat qilishni yaxshi ko'rasiz-a?! Unda lezda qo'lingizga kitob oling. Chunki kitob o'qish bilan sayohat qilish mumkin.

«O'zbekiston» nashriyot-matbaa ijodiy uyi tomonidan siz o'g'il-qizlar uchun talaygina kitoblar chop etilyapti. Jumladan, tarixchi olim Turg'un Fayziyevning «Temuriy malikalar» risolasi tarixga qiziquvchilarni befarq qoldirmasligi aniq.

Kitob o'z nomi bilan temuriy malikalar haqidadir. Tarixdan bizga ayonki, Amir Temur va temuriy shahzodalar XIV asrning ikkinchi yarmidan XVI asrning birinchi choragigacha Markaziy Osiyo, Shimoliy Afg'oniston, qisman Eron hamda Iroq mamlakatlarida hukmronlik qilishgan. Shahzodalar singari temuriylar sulolasiga mansub malikalar orasida ham iste'dodli, yetuk olim va shoirlar yetishib chiqqan. Ular tarix zarvarqlarida o'zlaridan o'chmas iz qoldirgan.

Mazkur risola bilan tanishib chiqsangiz, Saroy-mulkxonim, Gavharshodbegim, Zebunnisobegim singari iste'dodli temuriy malikalar haqida qiziqarli ma'lumotlarni bilib olishingiz mumkin.



Tohir Mullaboyev, Fozil Sodiqov, Sanjar Mirsolixov muallifligidagi «Yashil chiroq – doim ogoh!» nomli kitob o'quvchilar qo'lga yetib bordi. Ushbu metodik qo'llanma maktab o'quvchilarining yo'l harakati qoidalarini mukammal o'rganishlari uchun yaqindan ko'maklashadi. Qo'llanmadan qiziqarli hikoya, she'r, topishmoq va ertaklar o'rin olgan. Ayniqsa, hikoyadan so'ng berilgan «Nega uyalib qoldi, nima uchun?» kabi savollar o'quvchilarni biroz bo'lsa-da, o'ylashga va to'g'ri xulosa chiqarishga o'rgatadi.

Mazkur kitoblarni o'qib, bilimingizni yanada boyilasiz, degan umiddamiz.

BAHOR TOPISHMOQLARI

*Bahorga echi bo'lib,
Qor ostidan chiqar kulib.
Boshiga kiyib qalpoq,
Gul g'unchasi sariq, oq.
Teramiz etak-etak,
Buning nomi*



*Biri ko'kdan dur sochar,
O'zgasi bag'rin ochar.
Shunda ko'kdan emib nur,
Atrofga gullar sochar.*



*Siyoh rangda navdasi,
Erta bahor gul ochar.
Essa mayin shabboda,
Xushbo'y iforin sochar.*

*Yelpig'ich barg oralab,
Bo'rtib chiqar g'unchasi.
Gullari siyoh rangda,
Yashnab ketar barchasi.
Nima ekan bu, Kavsar?
Topdim, u-chi ...*



*O'stirib bug'doy-donni,
Siqib suvin olishar.
So'ng qaynatib shu topda,
Asta un ham solishar.
Doshqozonda qaynaydi,
Ostida tosh yayraydi.
Yaxshi niyatlar bilan,
Hamma uni kavlaydi.*

Tohir MULLABOYEV,
O'zbekistonda xizmat ko'rsatgan jurnalist

8

Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati Markazi
Kengashi,
«SOG'LOM AVLOD UCHUN» hukumati
qarorga ko'ringan xalqaro xayriya jam'asid.

Bosh muharrir
Feruza ADILOVA

Gazeta O'zbekiston Matbuot
va axborot agentligida
0208-raqam bilan 2007-yil
2-fevralda ro'yxatdan o'tgan.

10-mart 2014

TAHRIR HAY'ATI:
Omonulla YUNUSOV,
Abdug'ani XOLBEKOV,
Bahodir G'ANIYEV,
Svetlana INOMOVA,
Murtazo SULTONOV,
Zoir ISAJOV,
Feruza JALILOVA,
Sa'dullo TURSINOV
(Bosh muharrir o'rinbosari),
Sobitxon TURG'UNOV,
Zikrilla TESHABOYEV

Navbatchi muharrir
Axtamqul KARIMOV
Rassom
Feruz MATYOQUBOV
Dizayner
Olovuddin ORIPOV

Manziliimiz:
Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail:
info@tongyulduzi.uz
www.tongyulduzi.uz
Tel./faks: 244-63-08
Tel./faks:
(99871) 244-38-10

«O'zbekiston» NMIUda
chop etildi.
Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.
Haftaning dushanba kuni
chiqadi.
Shakli A-3, 2 bosma taboq.
ISSN 2010-6092
Adadi – 55166
Buyurtma N: 9373

TELEFONNI KIM IXTIRO QILGAN?



Ko'plab ixtirochi olimlar odamlarning uzoq masofadan turib, bir-biri bilan so'zlashish imkonini beruvchi qurilma yaratishga harakat qilishgan. Qarangki, bunday moslamani ilk bor shotlandiyalik biznesmen Aleksandr Grexem Bell yaratadi. U do'sti Tomson Uotson hamkorligida ko'plab izlanishlar olib borib, nihoyat uzatuvchi va qabul qiluvchidan iborat qurilma yasashga muvaffaq bo'ladi. Aytish mumkinki, bu ixtiro fan-texnikaning eng katta yutuqlaridan biri bo'ldi.

Telefonda ilk so'zlashuv 1876-yil 10-mart kuni bo'lib o'tdi. O'shanda Bellning shimiga kislota to'kilib ketadi va u o'z hamkasbiga telefon orqali murojaat etib, janob Uotson, oldinga kela olasizmi, hozir menga juda keraksiz, deydi.

Birinchi telefon stansiyasi 1877-yili Kannikutada ochildi. O'shanda stansiya xodimlari abonentlarni bir-biriga qo'l bilan bog'lab bergan. 1889-yilda esa Boston va Nyu-York orasida yangi telefon liniyasi ishga tushdi.

*Internet materiallari asosida
Nigora JO'RAYEVA tayyorladi*



Pezanda qilsen!



Bahorning ilikuzildi paytida ko'katlardan tayyorlangan taomlar, pishiriqlar inson tanasiga tetiklik ulashib, kayfiyatini yaxshilaydi. Ayniqsa, yalpiz, jag'-jag', ismaloq singari ko'katlar vitaminlarga boyligi bilan ajralib turadi. Bugun sizlarga tavsiya qiladigan pishirig'imiz ham darmondorilarga juda boy.

KO'KATLI BALISH

Kerakli masallqlar:
200 gramm margarin,
ikkita tuxum, ko'katlar (yalpiz,
jag'-jag', ismaloq), un, 1 piyola
qatiq yoki smetana.

Tayyorlanishi:
Xona haroratida yumsha-
tilgan margarin un bilan uvalanadi. Unga
tuxumning sarig'i qo'shiladi, so'ngra 1
piyola qatiq solinib, yumshoq xamir
qoriladi. Xamir biroz tingunga qadar,



ko'katlar tozalanib, sovuq suvda yaxshilab yuviladi. Mayda to'g'ralgan ko'katlarga biroz tuz qo'shib, yog'da qovurib olinadi. Ko'katdan chiqqan suv ko'zi mayda elakda silqitiladi.

Tingan xamir ikkita zuvalachaga bo'linadi. Birinchisi o'rtacha qalinlikda yoyilib, yog'langan gaz patnisiga qo'yiladi. So'ngra, ustiga ko'katlar bir tekisda yoyib chiqiladi. Ikkinchi zuvala uning ustidan qoplanadi va chet-lariga shakl beriladi. Ustiga tuxum sarig'i surtiladi. Gaz pechi 180 darajada qizdirilib, 45–50 daqiqa pishirishga qo'yiladi. Tayyor bo'lgan balish gaz pechidan olinib, bo'laklarga bo'lingan holda dasturxonga tortiladi.

Yogimli ishtaha!

NARGIZA tayyorladi

Baxtigul Bozor bobo
bilan bahorda, bodomzor
bog'da, bahr-u baytdan
bahs bog'ladi.

Ergash ATOYEV,
Navoiy viloyati

